

« Abbate Generale » — Ընդհանուր Աբբազայր:

2. — Մոնս. Լերգար Քարտուղար Ծաւալոցի Ժողովոյն, 1751 Մարտ 6-ին թուղթ կը ղրկէ Ս. Ժողովոյն պաշտօնական կնիքով, Միաբանական գործերու խնդրոյ մը համար, և կը կոչէ զՄեկգոնեան Abbate Generale.

3. — Ծաւալոցի Նախագահ Ծիրանաւոր Քարաֆա Միաբանութեան և Ազգիս հանդէպ սիրոյ և բարեացակամութեան թուղթ կը գրէ 1751-ին առ Մեկգոնեան՝ Abb. de monaci Armeni... տիտղոսով:

4. — Ուրիշ Նախագահ մը Ծաւալոցին՝ Ծիրանաւոր Վալէնդի՝ իր և Ժողովի Քարտուղարին ստորագրութիւններով 1751 Նոյեմբեր 17-ին հարցում մը կ'ուղղէ Աստուածաշունչի տպագրութեան մը մասին առ Մեկգոնեան, անուանելով զայն Ab. de monaci armeni...

5. — Վենետիկոյ Հասարակապետութեան քով Սրբազան Պապին Դեսպանը Քաղկեդոնի տիտղոսաւոր Արքեպս. Marinus Innicus, իր և քարտուղարին ստորագրութիւններով 1751 Դեկտ. 7-ին հրամանագիր մը կ'ուղղէ առ Մեկգոնեան, կոչելով զայն Abbas et Superior actualis Monachorum Armenorum Congregationis:

6. — Պոլսէն Լատինաց Առաքելական Դեր Աթոռակալը Biagio Paolo (ապա Առաք. Աթոռկ.) 1750 Յունիս 15-ին ուրախակցութեան թուղթ կը ղրկէ առ Մեկգոնեան:

7. — Ուրախակցութեան թուղթ կը ղրկէ նաև Պոլսոյ Ազգային Միասիրտաւոց զլիսաւորը Եղիա վարդապետ Գաղատացի, 1750 Յունիս 1-ին, Մեկգոնեանի ընտրութեան առթիւ:

8. — Ուրախակցութեան բառեր կը խառնէ Մոնս. Լերգար՝ առ նորընտիր Մեկգոնեան Աբբայն՝ 1750 Մայիս 9-ին գրած թուղթին՝ ինչպէս և ուրիշ մէկ երկու թղթերու մէջ:

9. — Կնիք այս ամէնուն՝ իսկականը ծանուցանենք, թէ Մեկգոնեան իր Աբբայութեան վաւերական հաստատութիւնը կ'ընդունի իր ընտրութեան օրերէն, այն է՝ 1750-ին, Եւ ՈՁ Թէ 1772-ին՝ ըստ քմածին և անհիմն յայտարարութեան Վիեննայի Միութեանց «Յուշարձան»-ի:

Ընտրութեան և հաստատութեան ղէպքը տեղի ունեցած է հետեւեալ օրինաւոր կարգով:

Միութեարայ սգաւոր որդիք կը հաղորդեն Եր. Հիմնադրիս մահը առ Ս. Աթոռ, և կը խնդրեն անկէ հրաման՝ նոր Աբբայի ընտրութիւն կատարելու: Առ այդ ի պատասխան՝ Հաւատոյ Տարածման Գահերէց Ծիրանաւոր Վալէնդի՝ իր և Ժողովոյն Քարտուղար Լերգարի ստորագրութեամբ՝ 1750 Փետր. 18 թուակիր պաշտօնագրով մը հրահանգ կու տայ Վենետիկոյ Հասարակապետութեան քով եղող Քահանայապետական Դեսպանին, Ս. Ղազարու Հարց հաղորդելու Աբբայի ընտրութեան հրամանը:

Հուսկ, ընտրութիւնը տեղի ունենալէ վերջ, արդիւնքը կը հաղորդուի ի Հոռոմ. և ահա միևնոյն Ս. Ժողովը 1750 Ապրիլ 25 թուակիր ՊԱՇՏՕՆԱԿԱՆ ԹՎԹՈՎ, կը վաւերացնէ Մեկգոնեանի արբայութիւնը¹:

Դառնալով Մոնս. Լերգարի հետեւեալ նամակին՝ կը հաղորդենք որ իտալական բնագրէն թարգմանած է Հ. Անտոն Պաղտասարեան:

1. Բնագիրը պահուած է հայերէն թարգմանութեամբ միասին Մայրավանքիս Դիւանին մէջ: